



*Assuerus donna grace aux Iuifs en faueur d'Esther, & fit pendre Aman au gibet par luy dressé pour pendre Mardochée.*

**E**STHER niece de Mardochée Iuif, fut tant accomplie en vertu, beauté & bonne grace, que le Roy Assuerus l'aima entre toutes les vierges, dont on luy auoit fait present; en sorte qu'ayant entendu l'orgueil de Vasthi, il fit couronner Reyne la susdite Esther, & voulut estre faite grande ioye pour la conjunction & nopces de luy & d'elle. Or elle n'auoit point déclaré qu'elle fut de nation Iudaïque, suiuant l'aduertissement de son oncle Mardochée, qui demouroit à la porte du Roy: lequel découurant que deux Eunuques auoient conspiré de le tuer en aduertit le Roy, dont les conspirateurs furent pendus. Durant ces choses, regnoit en Cour Aman fils d'Amadathi, qui fut élevé pardessus les Princes, & chacun ployoit le genoüil deuant luy: ce que Mardochée ne voulut oncques faire, dont il conceut telle haine contre Mardochée, qu'il impetra du Roy permission de mettre à mort tous les Iuifs qui estoient lors en son Royaume; & outre ce fit éleuer vn haut gibet pour y pendre Mardochée; lequel avec ceux de sa nation, ayant recours à Dieu avec ieusne & oraison, impetrerent de la diuine bonté, & par le moyen d'Esther, que le cœur du Roy fut changé; & ayant entendu le méchant vouloir d'Aman, il fut pendu au mesme gibet qu'il auoit fait dresser pour pendre Mardochée, & par ainsi son courroux & l'ire du Roy, furent appeifez.

*Esther 2. & 3. Chap. & suiuaus.*